

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Dominus Deus illi largiatur latissimam resurrectionem in die Iudicij.

# EPITAPHIUM

in obitum

## GERARDI MERCATORIS

Auo suo, piè ac placidè vita defuncto.

**A** Missum luxi qui nuper vtrumq; parentem,  
Heu miser ad tumulos cogor abire novos.

Sic, Aue, te venerande pium qui dogma dedisti  
Sæpius, hinc nobis te rapit atra dies?

Sic doctrina grauis, pietas sic prisca peribit,  
Hæcq; sepulchralis conteget vrna simul?

Absit vt hæc perijisse queant quæ morte tenaci  
Consumptos vitæ perpetis esse iubent.

Has liceat cineri lachrymas tamen addere Auito,  
Nam pressus nimium, cor ferit illi dolor.

*Thesbitæ vt quondam vatis successor, in altum  
Quadrigris rapti dona recepit heri.*

*O vtinam doctæ mihi sic quoque portio mentis  
Cedat, & eximia pars quotacunq; manus.*

**IOANNES MERCATOR**  
ex primogenito nepos, hisce mæ-  
rens parentabat.

## EPISTOLÆ DVÆ

Duorum doctissimorum virorum

Doctõris Reinhardi Solenandri Illustriss. Ducis Iuliæ, Cluuiæ & Montis, &c. Medici vider  
licet, & D. Iacobi Sinstedij D. V. I. in laudem Atlantis conscriptæ.

**S**P. Doctissime Mercator amicorum integerrime, remitto tibi meditationem tuam in sex die-  
rum opera conscriptam, mihi mirum in modum gratam & acceptam. Nam sola illa in natura-  
lium rerum cognitionem deducimur. Quando tua apodictica argumenta clarè & ad viuum demon-  
strant, Cœli, Aëris, Aquarum & terræ, prima & originalia principia: de quibus inter Ethnicos, Phi-  
losophos magna fuit dissentio. Tuis itaque rationibus probè perspectis & intellectis, non amplius  
vanissima Aristotelis monstrosa priuatione seducemur. Memini cum illud vanum fallaxque fig-  
mentum à Petro Ramo Parisijs impugnaretur, vnde hæreseos accusabatur: vt pote qui Aristotelica  
fundamenta hætenus in omnibus scolis approbata niteretur conuellere. Magnam itaque tibi habi-  
turi sunt, omnes studiosi gratiam, quod tandem verissimam principiorum & causarum cognitio-  
nem diuinitus imbutus in hisce extremis Mundi fecibus, nobis communicaueris. Transcriptum ex  
tuo exemplar misi Greuenbrochium ad amicum meum integerrimum, Dominum Iacobum Sinste-  
dium, Iuris D. hominem doctrina, pietate & probitate insigni. Is legit & cum hoc epistolio ad me  
remisit, ex quo vt intelligas ipsius mentem & iudicium, ipsius *ἀπολογισμὸν* ad te mitto. Ille obnixè pre-  
catur (quia putat me apud te aliquid valere) vt te admoneam & adhorter, quo hoc scriptum prima  
quaque occasione omnibus bonis & doctis communices. Ego vero non hoc solum, sed magnopere  
flagito, vt ceteros libros quoquo modo possis, expedias, forte tergiuersando valerudinem atque æta-  
tem proferes (vt ego ætatem & negotia plerumq; prætendo) verum mihi videtur, vt grauis ætas, non  
solum te non excusare debeat, sed magis vt matures hos labores, stimulum addere. Vtinam si mihi  
liceret à meo decrepito & male sano Principe (cui solus in hoc difficili seruitio serui) abesse, non  
solum valetudinis tuæ causa aliquoties ad te excurrissem, sed ea potissimum ratione te conuenirem,  
te vt monerem expeditumque redderem, quo auspiciata hæc, & bene incepta absolueres: tum etiam  
de iucundis his studijs, iucundè & amicè tecum vt conferrem, Cum in tuæ huius meditationis lecti-  
one me oblecto, & veluti Cygneam cantionem tuam animo excipio, venit mihi in mentē quod cum  
Galenus noster, vsum humani corporis partium doctè explicaret, votum quasi animo conceptum  
calamo omnipotenti Deo voueret. Memini enim quando sub finem 3. li. de vfu partium explicatè  
fateretur, illos suos commentarios se ceu hymnos quosdam conscribere, in quo verā magis pietatem  
consistere existimaret, quam si taurorum *ἐκατόμβας* ei plurimas sacrificaret, & castias aliaq; sexcenta  
vnguenta suffumigaret: præfererat his omnibus se ista prius scire, exponere deinde alijs quæ nam sit  
ipsius Dei sapientia, quæ prouidentia, quæ potentia, quæ bonitas, quorum ignorationem Ethnicus  
ille summam impietatem iudicabat, non li à sacrificio abstineret: qua sententia haud longe mihi  
à sacro